



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

15. Ad omne, cum fortuna, certamen, à cælesti nos gloria, vti olim S. Adelgundem, excitari.

urn:nbn:de:hbz:466:1-45653

Atque hoc octauum est inimicæ Fortune remedium, quod identidem Christus ipse discipulis inculcauit: *Beati eritis, cum vos persecuti fuerint homines, & dixerint omne malum aduersum vos mententes, propter me, gaudete & exultate, quoniam merces vestra copiosa est in celis.* In quæ verba Imperfecti operis author ait: *Si miles periculum belli sustinet, dum sperat victoria prædam; quanto magis nos opprobria mundi non debemus timere, qui regni cælestis præmia speramus?* Item: *Pensate confusione hanc terrenam cum gloria illa cælesti, & vide, si non multò leuius est, quod patimini super terram, quam quod expectatis in celo.* Hoc significabat iter Israëlitarum, qui prius, per mare rubrum transire, quam ad palmas, in terra Elim, peruenire, debuerunt. Palma est cælestis gloriæ symbolum: qua de cauſa vidi Ioannis multitudinem beatorum innumerabilium palmas^{Apoc. 7.} manibus gestantium. Palmæ sunt signa victoriarum. Victoria sine pugna non venit: quam, etiam in sanctis præcessisse, ibidem aperuit senex unus beatorum palmam manibus gestantium, nam ad Ioannem accedens dixit: *Hi qui amicti sunt stolis albis, qui sunt, & unde venerunt? cui Ioannes: Domine mi, tu scis, & dixit mihi: His sunt, qui venerunt de tribulatione magna, & lauerunt stolas suas, & dealbaverunt eas in sanguine Agni.* Ideo sunt ante thronum. Per sanguinem igitur, aut per tribulationem, non quamcunque, sed per magnam, velut per mare quoddam Erythræum ac rubrum, itur ad palmas^{S. Cyprian.} illas. *Nisi præcesserit pugna,* ait S. Cyprianus, *non potest esse victoria;* *tunc datur vincentibus corona.* Nam gubernator, in tempestate dignosciatur. In acie miles probatur. Delicata iactatio est, cum periculum non mortalitas est. *Conflictatio in aduersis, probatio est veritatis.* Arbor, qua alta te. radice fundata est, venis incubentibus non imbuetur, & nauis, qua forti compage solidata est, fluctibus pulsatur, sed non frangitur.

Ita sefecisse testatur Apostolus dicens: *Bonum certamen certavi, cursum consummaui, fidem seruavi, nempe in carceribus, in flagris multis, in mortibus frequenter.* Cur ita? quia in reliquo reposita est mihi corona iustitiae, quam reddet mihi in illa die iustus index: non solum autem mihi, sed & iis, qui diligunt aduentum eius. Siquidem omnes, qui pie volunt vivere in Christo IESV, persecutionem patientur. Quibus solatium ingens afferit idem Paulus his verbis: *Quod momentaneum est, & leuæ tribulationis nostra, in sublimitate, æternum gloria pondus operatur in nobis, non contemplantibus nobis, quæ videntur, sed quæ non videntur.* Leuem tribulationem vocat, non in se ac natura

S. Chrysost. hom. 16. ad Pop.

Hæbaldus Elnonensis in vita eius, apud Sur. 30 Ianuar.

Eccl. 7.8.

XVI.

Ouid. 1. Metam.

Lactant. lib. de Opific. Dei. cap. 8.

VX

Sap. 5.

sua, sed comparatione futurorum præmiorum. Sicut enim mercator non sentit navigationis laborem, lucrorum spe relevatus; & pugil generosè sibi corporis vulnera, coronam respiciens: ita & nos celestia intendentes bona, quæcumq; inferantur grauia, generosè feremus, bona futurū spe roborati. Legimus de S. Adelgunde, eam ita Deo charam fuisse, vt, missis de cælo Angelis, ad tristia quæque, animo fortis, lœtisque, patienda, illam firmaret. Inter grauissima, quæ robustam etiam virtutem quatunt, est calumnia. Ea enim, vt in diuinis est, etiam conturbat sapientem, & perdet robur cordis illius. Igitur & Adelgundis audierat aliquando, nomen suum à peruersis hominibus & inerti otio deditis, maledictis proscindi, & apud alios, cum non mediocri quorundam offensione, iniuste traduci. Vnde illa, quæ est humanae fragilitatis conditio, aliquantulum cruciari capit. Cui mox in medijs fluctibus, Angelus adfuit, & suauibus eam verbis demulcens: *Quid, inquit, o virgo dulcissima, maleuolorum hominum inuiditate conturbat, cum tibi celestis regni gloria; illis vero, nisi resplicant, aeternum gehenna supplicium paratum sit?* Talibus illa recreata sermonibus, nihil deinceps obloquentum vanitates faciendas putavit.

Eam serit ærumnarum copiam Fortuna, vt finis alterius mali, gradus sit futuri; immo vt læta omnia raro, sine infelicitate aliqua, eueniant. His terra scatet. Ut ergo à cælo remedium petamus, ubi erit finis ærumnarum, & miseria in aeternam felicitatem mutabitur, natura.

*Os homini sublime dedit, cælumq; tueri,
Inssit & erectos ad sidera tollere vultus.*

Cum enim statuisse Deus, ex omnibus animalibus, solum hominem facere celestem, cetera uniuersa terrena; hunc ad celi contemplationem, rigidum erexit, bipedemq; constituit; scilicet ut eadem spectaret, unde illi origo est; illa vero depresso ad terram; vt, quia nulla his immortalitatis expectatio est, toto corpore in humum proiecta, ventri pabulog; servirent. Hominis itaq; solius ratio est, & sublimis status, & vultus Deo Patri communis, ac proximus, originem suam filiorémq; testatur. Habet ergo cynoluram, ad quam, in omni negotio, respiciat, actionesque suas dirigat. Si hic laborat, ibi quiescet; si hic flens initit semina sua, ibi cum gaudio metet, quod seminavit: si hic premitur, ibi coronabitur: si hic Fortunam contemnit, ibi verè fieri non iam fortunatus, sed beatus. Eant sanniones, ac cilones, & cachinæ excipiant vexatos; sint illis in derisum & similiud. nem impro-

perg